

# Scriver è sco trair flad

■ (rtr) **Ier, ils 18 d'avust, avess il scriptur tuatschin Vic Hendry pudì festivar l'anniversari da 95 onns. Ma el è mort il december da l'onn passà, curt temp suenter sia dunna Zaria.**

Vic Hendry è stà in scriptur productiv, el ha publitgà passa 50 ovras, surtut raquints curts. Pir en la vegliadetgna da 70 onns ha el cumenzà a publitgar poesias. Ses temas èn il carstgaun e ses destin, uschè sa numna in da ses raquints «Tuts maglian ord la medema scadiala». Il scriptur tuatschin è dentant era vegnì tutgà dal destin. Ses bab mora baud, ed el perda era ina sora e la finala era ses figl Martin (descriet en il cudesch «Brevs passas»).

**Mund puril è premissa per scriver**

El era naschì 1920 e creschì si a Cavorgia en Tujetsch. Ses geniturs eran purs, e sco el ha ditg ina giada en in'emissium da RTR, saja quest ambient stà la premissa per scriver. El ha gì emprendi da scolast, e cun 40 onns èn el e sia famiglia ids a star a Schaffhusa. Là ha el dà scola fin la pensiuin.

Mo Vic Hendry n'ha betg in linguatg simpel. En la Quotidiana ha *Arnold Spe-scha* (en memoria dal scribent Vic Hendry 1920 -2014) gì scrit: Ins na legia betg Vic Hendry sco da baiver aua. El di ch'el haja udì savens ch'el haja in linguatg che na saja uschè levs da chapir. Ma quel saja prendì per gronda part nà da sia val.